

**ҰЛЫТАУ ОБЛЫСЫ ҚОҒАМДЫҚ ЖЫЛЖЫМАЛЫ
КЕҢЕСІНІҢ ОТЫРЫСЫНЫҢ
ХАТТАМАСЫ № 22**

**Жезқазған қ-сы
27.09.2023
сағат 15.00**

Облыстық қоғамдық кеңесінің жанындағы ауыл шаруашылығы және сыбайлас жемқорлыққа қарсы тұрақты комиссия тобының және Сыбайлас жемқорлыққа қарсы іс-қимыл агенттігінің Ұлытау облысы бойынша Департаментімен бірлескен отырысы оффлайн форматта өтті.

Отырысты ОҚК төрағасы **Бегенов Б.Ж.** ашып жүргізді.

Отырысқа тұрақты комиссия мүшелері: **Рахметов А-** комиссия төрағасы, **Тусупбеков Д, Сейдахметов М, Қайыпбеков А, Шәмші Х** қатысты.

Белгілі себеппен қатыспаған : Оспанов С;

Сонымен қатар біріккен отырысқа –Сыбайлас жемқорлыққа қарсы іс-қимыл агенттігінің Ұлытау облысы бойынша Департаментінің бастығы **Ернар Ерболұлы Баянғазин**, сыбайлас жемқорлыққа қарсы іс-қимыл агенттігінің Ұлытау облысы бойынша Департаментінің Превенция басқармасының бастығы **Арлен Эрикович Уандыков** Базарбайұлы Қаржасов және Ұлытау облысының сыбайлас жемқорлыққа қарсы күрес департаментінің превенция басқармасының аға офицері **Азизхан Чингизханович Баймурзаев** қатысуда.

Бүгінгі күн тәртібінде екі сұрақ:

1. Сыбайлас жемқорлыққа қарсы күрес Агенттігінің биылғы жылда атқарған жұмыстары. Баяндамашы - Ұлытау облысының сыбайлас жемқорлыққа қарсы күрес департаментінің превенция басқармасының аға офицері **Азизхан Чингизханович Баймурзаев**.
2. Сыбайлас жемқорлыққа қарсы күрес Агенттігінің Қоғамдық кеңеспен байланысы.

Бегенов Б- Кіріспе сөзді - Сыбайлас жемқорлыққа қарсы іс-қимыл агенттігінің Ұлытау облысы бойынша Департаментінің бастығы **Ернар Ерболұлы Баянғазинге** берейін.

Баянғазин Е : Құрметті облыстық қоғамдық кеңестің мүшелері! Сіздердің қоғамда рөлдеріңіз ерекше, бөлек. Тығыз, қоян- қолтық жұмыс атқаратынымызға сенімдімін. Біздің де қатарымыз толықты. Кәсіби жігіттер келіп, жаңадан серпін беріп жатыр. Басты мақсаттарымыз бәрімізге мәлім. Ол өзіміздің өңірімізді бірігіп дамыту. Сыбайлас -жемқорлықтың алдын алу. Арамызда арнайы топ құрып, аптасына бір рет әр түрлі мәселелерді қарастырып, дөңгелек стөлдер өткізіп, волонтерларды қатарымызға тартып, айына бір рет қорытынды шығарсақ. Әрдайым байланыста болуымыз керек. БАҚ шақырып , жұмыстың механизмдерін айқындаған абзал. Сіздердің пікірлеріңізді, ұсыныстарыңызды таңдауға дайынбыз.

Бегенов Б- Рахмет. Біз жұмыла жұмыс атқаруға дайынбыз. Пікір алмасуға көшпей тұрғанда күн тәртібіне оралып баяндаманы тыңдайық. Баймұрзаев мырза. Сөз сізде.

Баймұрзаев А- Қоғаммен өзара іс-қимылды күшейту үшін мүдделі азаматтарды, қоғамдық бірлестіктерді, кәсіпкерлік субъектілерін және квазимемлекеттік секторларды, сондай-ақ басқа да ұйымдарды идеяларымыздың жетекшілері ретінде сыбайлас жемқорлыққа қарсы іс-қимылға тарту мақсатында «Сыбайлас жемқорлыққа қарсы волонтерлік» жобасы іске қосылды.

Бүгінгі таңда облысымыздың 65 белсенді азаматы волонтерлар болуға ниет білдірді. Сыбайлас жемқорлықтың алдын алу үшін ең алдымен ауқымды тәрбие жұмыстары жүргізіліп, ол үшін халық көп шоғырланатын орындарда сыбайлас жемқорлыққа қарсы материалдар орналастырылады, азаматтардың әлеуметтік сауалнамалары жүргізілуде, кездесулер және басқа да бұқаралық іс-шаралар өткізіледі. Тұтастай алғанда, сыбайлас жемқорлыққа қарсы қозғалыс өкілдері өздерінің мүдделері мен жүзеге асыратын қызмет түріне қарай Жобаның бағыттарын таңдауға құқылы. Жоба мынадай бағыттар бойынша сыбайлас жемқорлыққа қарсы іс-шараларға волонтерларды тартуды көздейді:

-қоғамдық бақылау;

-сыбайлас жемқорлыққа қарсы зерттеулер мен білім беру;

-про-боно волонтерлік (кәсіби көмек көрсету);

-корпоративтік волонтерлік. «Бизнес жол» жобасын іске асыру шеңберінде Ұлытау өңірінде кәсіпкерлікті қаржылық қолдау (грант) саласындағы сыбайлас жемқорлық тәуекелдеріне сыртқы талдау жүргізіліп, оның нәтижесінде мемлекеттік гранттарды беру кезінде жүйелі бұзушылықтар анықталды. Атап айтқанда, Мемлекеттік гранттарды беру қағидаларында «жаңалық» ұғымы көрсетілмеген, бұл гранттық қаражатты бизнес-жобаларды қайталайтын қатысушылар арасында жылдан-жылға бөлуге мүмкіндік береді. Алдағы уақытта мұндай бизнес-идеялар жүзеге асырылмайды, тиісінше өңірде ШОБ дамымайды. Облыс әкімдігіне Ережеге өзгерістер енгізуге бастамашылық жасау бойынша тиісті ұсыныстар берілді. Сонымен қатар, Сыбайлас жемқорлыққа қарсы қызмет бағаны көтеру мақсатында мемлекеттік сатып алуды қадағалау жұмыстарын жүргізуде. 2023 жылдың 9 айында бюджет қаражатын тиімсіз пайдаланудың алдын алу сомасы 276 млн теңгеден астам болды. Бұдан бөлек, Департамент материалдары бойынша 6 лауазымды тұлға тәртіптік жауапкершілікке тартылды, мүдделер қақтығысына байланысты бір басшы қызметінен босатылды. Бірнеше рет пара алу фактілері бойынша өнеркәсіптік қауіпсіздік департаментінің басшылығына және басқа да тұлғаларға қатысты сотқа дейінгі тергеп-тексеру аяқталып, қылмыстық іс сотқа жолданды. Қазіргі уақытта біз медициналық техниканы сатып алу және қолжетімділігі, еңбекақы қоры, құрылыс мәселелері бойынша денсаулық сақтау

саласындағы сыбайлас жемқорлық тәуекелдеріне сыртқы талдау жүргізіп жатырмыз. Осыған орай, қоғамдық кеңес ретінде Сіздерді осы іске атсалысуға шақырамыз.

Тәуекелдерді анықтау және оларды барынша азайту үшін өңірдегі сыбайлас жемқорлыққа барынша бейім әлеуметтік маңызы бар аймақтарды бірлесіп дамытуды ұсынамыз.

Бегенов Б- Рахмет Баймурзаев мырза. Жұмысты жандандыру мақсатында Баянғазин мырза айтқандай арнайы жұмыс тобын құру керек. Жиындарды бірігіп өткізейік. Сатып алу саясаты да дұрыс емес /конкурсная политика/.

Баянғазин Е – мемлекеттік сатып алу, тендер ойнатуда көп жайттар бар. Мердігерлер демпинг жасап тендер ұтып алады. Заң солай. Ал ол сапаға әсер етеді. Мердігерлердің жұмыстары да көнелден шыға қоймайды. Сондықтан мониторинг жасау керек. Бұр ретте сіздердің де волонтерлардың да көмектері қажет.

Бегенов Б- Жаксы. Біз өз тарапымыздан дайынбыз . Отырысты қортындылайық.

1. Арнайы ватцап топ құрайық.
2. Айны бер рет атқарылған жұмыс бойынша қорытынды жасайық.
3. Әр квартал сайын отырыстар өткізген дұрыс.


Айдын мырза. Сіз тұрақты комиссия төрағасы ретінде, осы сұрақты бақылауға алыңыз.

Ұлытау облысының
қоғамдық кеңесінің төрағасы



Б. Ж. Бегенов

Ұлытау облысының
Қоғамдық кеңесінің хатшысы:



С.Оңғарбаева